



Broj: T18 0 KT 0018610 25
Brčko, 09.07.2025.godine

Optužnica potvrđena dana 17.07.2025.godine

Na osnovu člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

S. S., rođen 1946. godine,

Što je

Dana 08.06.2025. godine u Brčkom u ulici Muderisa Ibrahimbegovića prišao oštećenom S. A., svome komšiji, sa kojim je u lošim odnosima i zavadi već dugi niz godina, zbog njihovog sukoba i neslaganja u pogledu međne granice između njihovih parcela, pa kada se obratio S. u pogledu izvjesnih radova koje je S.R. izvodio stavljanjem armaturne mreže umjesto ograde, a ovaj zatražio od S. da ga ostavi na miru, S. se S. obratio ozbiljnim riječima prijetnje, "imam tri miliona maraka i odgovarajuće ljude koji će te i za hiljadu maraka ubiti, što ću im ja platiti, da te ubiju i oni će to i uraditi", nastojeći da time ozbiljno zaplaši S., a potom dva dana kasnije 10.06.2025. godine u ranim jutarnjim časovima oko 05,00 izašao u dvorište i uz prijetnje, ukazujućim radnjama mahanja kažiprstom, u desnoj ruci držao i pokazivao A. pištolj marke "CRVENA ZASTAVA" tip M-57, kalibra 7,62 milimetra, serijskog broja M-..... ", crne boje, potpuno svjestan da njegova nabavka, držanje i nošenje kao oružja „B“ kategorije iz člana 6. stav 1. alineja b) tačka 2.) a u vezi sa članom 65. stav 1. Zakona o oružju i municiji u Brčko distriktu BiH, je zabranjeno bez važeće isprave, koji pištolj je zajedno sa dva okvira i pripadajućih 44 komada metaka kalibra 7,62 milimetara, i 6 komada metaka kalibra 9 milimetara, što je suprotno odredbi člana 7. stav 3. Zakona o oružju i municiji Brčko distrikta BiH, je pronađeno i privremeno izuzeto pretresom S. kuće po naredbi Osnovnog suda Brčko distrikt BiH broja 96 0 K 173033 25 Kpp od 12.06.2025. godine, a koje su sve radnje kod oštećenog A. izazvale osjećaj realne bojazni i ugroženosti, kako za njega tako i za njegovo dvoje djece i suprugu, jer su bile ozbiljne i konkretizovane, te ponovljene u dva dana.

dakle ,ugrozio sigurnost neke osobe ozbiljnom prijetnjom da će nju lišiti života i bez važeće isprave o oružju nabavio, držao i nosio oružje i bitne dijelove za oružje kategorije "B"

čime je, počinio krivično djelo – Ugrožavanje sigurnosti – iz člana 180. stav 1. Krivičnog zakona Brčko distrikta BiH, u sticaju sa krivičnim djelom - Neovlaštena nabavka držanje ili prodaja oružja ili bitnih dijelova za oružje iz člana 65. stav 1. Zakona o oružju i municiji Brčko distrikta Bosne i Hercegovine , a sve u vezi sa članom 54. istog Zakona.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****
